

靈寶領教濟度金書卷

二百三十八之  
二百三十九

育一

靈寶領教濟度金書卷之二百三十八二百三十八

卷九同

育二

洞微高士開光救苦真人竊金真授

靈寶通玄弘教水南先生林靈真編

科儀立成品祈嗣用

祈嗣醮儀

步虛 燒香頌

各禮師存念如法

宣衛靈呪

五星列照 煥明五方 水星却災 木德致昌

熒惑消禍 太白辟兵 鎮星四據 家國利亨  
名刊玉簡 字錄帝房 乘飈散景 飛騰太空  
出入冥無 遊宴十方 五雲浮蓋 招神攝風  
役使萬靈 上衛仙翁和與道合真

鳴法鼓二十四通

音二

无上三天 玄元始三炁 太上道君召出臣身  
中三五功曹 左右官使者侍香 金童傳言 玉  
女五帝直符 直日香官各三十二人 出出者  
嚴裝關啓 玄壇天帝神君 當召此間土地里  
域真官正神 急上關啓臣今奉為入齋意 以

今陞壇設醮願得

玉清道炁靈寶妙光下降流入臣等身中即使玄壇清淨內外成真天无氛穢地絕妖塵琳琅振響十方肅清萬魔不干真誠上徹令臣所啓速達逕御

太上无極大道至真玉皇上帝御前

請稱法位

具位臣某與臨壇官衆等謹同誠上啓

太上無極大道虛无自然元始天尊妙无上

帝太上虛皇玉宸大道君靈寶天尊妙有上

帝萬變混沌玄元老君道德天尊至尊至真大帝  
太上玉皇大天尊玄穹高上帝紫微中天北  
極大帝勾陳上宮天皇大帝太寧宮后土皇  
地祇玉清真王長生大帝東極青華大帝東  
華上相青童道君西靈金母丹皇道君九天  
生神上帝五靈五老上帝三十二天上帝太  
陽炎光鬱儀帝君太陰皇華素曜元君五方  
五德星君南辰六闕延壽星君北極九府延  
生星君周天二十八宿星君泰玄樞機三省  
列相天君天地水府三官帝君北極四聖真

君靈寶五師真君九天諸司真君九天監生  
司諸位真君天曹諸司真君天曹掌子孫司  
真君十方无極飛天神王三天門下三元真  
君上章詞表靈官三洞四輔經籙法科諸省  
府司仙靈官君將吏本靖主將副將護道監  
壇將吏五嶽五天聖帝地府酆都大帝水府  
扶桑大帝本派祖玄真師經籍度師真人五  
嶽五府掌子孫案判官曹掾神吏城隍社今  
里域土地三界應感一切真靈臣聞元始開  
圖六合煥真風之被虛皇御運九圍昭惠露

之敷雌雄默運於希夷經緯潛孚於微妙包  
羅無外混融二五之精囊括有生變化一三  
之粹元功不宰至道難名臣等轍鮒衰蹤井  
蛙陋識經丘尋壑景將薄於桑榆拂石眠雲  
志猶酣於梨棗矢心補過勵志立功敢云制

有二

三

地以學真姑且憲天而領教今醮主某未諧  
嗣續莫紹宗祊庸一念以朝天敬三熏而事  
帝陰功既備陽育將成茲少奉於蘋蘩期微  
伸於葑菲欲望靈光洞朗道炁旁周九鳳八  
鸞敕前驅而下邁億乘萬騎肅後從以高征

合丹輿綠輦以參陪會羽蓋瓊輪而翼乘不  
違德悃恪赴道場臣不勝激切顙望之至再  
拜奉迎

聖駕

請聖

初獻

重稱法位

具位臣某與臨壇官衆等謹重誠上啓

太上无極大道三清上聖十極高真圓穹之  
帝后仙靈洞府之曹僚主執醮筵内外一切  
真靈伏聞一炁孔神臨下散虛無之象萬形



備質受中凝妙有之樞包覆載以生成位乾  
坤而化育根源本始金樓玉宇以生神結節  
胞胎紫戶青房而貴氣主錄勒籍司馬在庭  
昭驚天駭地之符實負陰抱陽之兆今醮主  
某詩書世澤文獻家聲七葉連榮坐見堆牀

之笏滿一枝挺秀頓令挿架之叢香乃於齊  
眉舉案之間莫有坐膝扶牀之樂老冉冉其  
將至齡忽忽而漸頽有子堪傳悵未見今時  
之適意無後爲大奈難期他日之承顏合室  
關懷全家動念慮操存之未至或踐履之莫

純節會朝修有稽懺謝元臘齋戒尚缺矜持  
指日月而斥雷霆怒虹霓而怨寒暑當春弋  
獵有覆巢麝卵之虞長夜網羅致損孕墮胎  
之禍輕貨毒藥妄號神醫致司過於陰曹莫  
書功於陽舍是以皈依楓陛嚴潔芝壇羅龍

育二

四

璧於五方奠鳳繒於十界樞花搖曳雲笙鳴  
縹緲之聲旌葆翩翩月磬響琳琅之韻降六  
龍於黃道來九虎於紫虛鼓舞舞丹綸俾八絃  
而敬聽依希紫綽令六合以丕承凡厥宿愆  
溥從恩宥即誕聰明之子克昭抱送之祥寓

意丹毫騰詞青櫝具嚴哀愍謹用敷宣

宣詞

詞旨具陳聖聰昭監茅茨不翦僭陳綿蕝之  
儀黍稷非馨聊寓粟絲之敬所冀皇皇日監  
赫赫時歆邊豆孔嘉符寶擁千官之仗尊彝  
間列伶華調九奏之音翠蹕森如珠旒肅若  
願察再三之禱俯矜萬一之忱臣不勝虔切  
俟命之至

亞獻

重稱法位

具位臣某與臨壇官衆等謹重誠上啓

太上无極大道三清上聖十極高真圓穹之  
帝后仙靈洞府之曹僚主執醮筵内外一切  
真靈伏聞以嗣以續盛衰實本於天心宜室  
宜家予奪亶資於帝監倘丹衷尚抱無涯之

二月二

五

過則蒼穹難推有造之恩今醮主某已懺前  
愆諒綿後慶伏願自今以始惟吉之從監積  
善之家聲念讀書之世澤玉清道炁為灌浹  
其形神靈寶妙光與照臨其步武即俾妻室  
某福星守命威曜離身永無疾病之侵常有

怡愉之適胞胎凝結啓處和平開先而吉夢  
追隨坐蓍而真仙降誕福德智慧安然無難  
以無災富貴聰明展也有常而有慶雙麟應  
瑞三鳳呈輝貯四庫於曾中讀五車於目下  
飛黃騰踏爲清時柱石之臣賦性聰明作盛  
世棟梁之佐光榮宗祖高大門閭蒙如懇切  
之祈允賴監觀之造次願醮主某福基鞏固  
壽址隆昌院宇無塵八節享有孚之慶門庭  
多暇四時消无妄之災卿雲朝映於清虛皓  
月夕輝於碧落公侯衮衮家多俊傑之賢孫

子熙熙室有材華之彥詵詵戲綵隊隊娛青  
桑梓連陰共喜竇公之家慶扮揄自樂齊欣  
荀氏之名揚八世莫京九族俱泰上願三辰  
洞煥四炁朗清慧孛韜光客流掃迹禾生同  
穎里無狐鼠之憂麥秀兩岐社有鷄豚之樂  
覽德輝而翔千仞觀治象而來萬民刁斗無  
聲息四陲之飲馬犁鋤並設慶九野之耕牛  
動植生春飛潛樂夜臣不勝虔禱之至

終獻

具位臣某謹重誠上啓

太上无極大道三清上聖十極高真圓穹之  
帝后仙靈洞府之曹僚主執醮筵内外一切  
真靈伏聞至敬無文儀幸周於三獻大禮必  
簡辭宜罄於一忱既殫凡奏之勤諒雪階升  
之瀆以今參橫斗轉月淡河澄璧磬收聲梵

六月二

六

唱依稀於霄外瓊鐘息響空訝搖曳於雲中  
恍萬乘以戒嚴廓諸天而復位臣等皈依徒  
切瞻戀無階入妙凝真萬炁齊仙於玄牝運  
元會道百神混合於泥丸臣不勝依戀望恩  
之至謹稽首再拜奉送

存神燒香

香官使者左右龍虎君侍香諸靈官當今臣  
設醮行道之所自然生金液丹碧芝英百靈  
衆真交會在此香火鑪前今臣學道得道求  
仙得仙齋宮獲福幽顯沾恩十方仙童玉女  
侍衛隨煙傳臣向來所啓速達逕御  
太上元極大道至真玉皇上帝御前

回輶頌

回輶五雲輿 騰駕九章謁 倏忽升天遠  
醮壇香氣多 玄恩覃宇宙 福祿遍山河



緬想神仙路 逍遙上大羅

焚燎

靈寶領教濟度金書卷之二百三十八

育二

七

靈寶領教濟度金書卷之二百三十九

洞微高士開光救苦真人甯金真授

靈寶通玄弘教水南先生林靈真編

科儀立成品析嗣用

監生醮儀

步虛

請稱法位

具位某與臨壇官衆等謹同誠上啓

九天无極大道無上自然生神上帝諸司真  
君九天監生大神九天衛房聖母九天司命  
司馬主錄太乙真君九天定生大神九天感  
化大神九天定胎大神九天易胎大神九天  
順生君九天助生君九天速生君九天全生  
六甲符吏催生童子保生童子速生童子南  
昌分胎功曹南昌主產功曹九天掌胞胎鬼

魄臟腑竅景神聖衆本家土地司命六神醮  
筵真聖無鞅主宰伏聞上帝垂慈運神風而  
化育下民承惠鼓聖日以生成胞胎旣囿於  
九霄形氣又資於四象敬諾敬順函三昭經  
緯之玄唱奉唱恭太乙耀雌雄之妙驚天駭

地負陰抱陽凡居覆載之中孰出甄陶之外  
今醮官某年踰知命嗣未副心曉夜憂惶敢  
建齋而行道夙宵戰慄庸悔過以祈恩願符  
抱送之祥早遂繼承之望輒脩禴祭聊寓微  
衷伏冀羽葆飄揚御天風而來下霓旌曠藹

乘梵炁以逍遙不遺方寸之私式副再三之  
祝臣无任懇祈虔禱之至稽首再拜謹當奉  
請

請聖

初獻

重稱法位

肯二

具位某與臨壇官衆等謹焚香上啓

九天監生司真衆一切應感威靈伏聞子孫

衆多橐籥本由於天錫門閭昌熾權衡悉自

於神休儻上玄之熊夢未符則下土之麟兒

莫育仰惟神武夙挺威靈蟬聯而劔履陸離

鷺立而佩環容與陰功昭著善惡皆藉以銓  
量隱德周流予奪悉由於選舉巍巍聖力赫  
赫深仁今醮官某矍鑠將臨寧馨未遂企虎  
關而禱爾爰然一瓣之香瞻獅座以勤祈願  
賜九光之燭茲朝楓陛重啓芝函潔已登齋  
期龍光之下映首愆行道希蟻困之上通願  
生福慧之男克紹英明之祖顧惟晝諾曷藉  
裁成欲望嘯命玄曹指揮丹局申飾六甲之  
天吏丙檄五行之神真即俾醮官妻某氏臚  
腑安和肥胎成就十月滿足永無災難之侵

凌睟日周圓會見精神之長大光隆門戶榮  
顯宗親實依覆載之恩仰藉帡幪之庇臣不  
勝虔切俟命之至

亞獻

重稱法位

育二

九

具位某與臨壇官眾等謹焚香上啓

九天監生司真眾一切威靈伏聞籲天激越

願神靈之挺生墮地材華膏仙真之應運自

匪先世累積之厚與夫前生種植之深曷俾

投胎居然得子今醮官某既昨非而電掃何

有冤愆幸今是以雲臻宜膺福慶仰賴九天  
錫慶二極垂憐諸司溥推戴之功列職殫佐  
助之力即使妻室某氏綵麟入夢王燕投懷  
易養育而乳哺無虞乃生男子無災害而命  
身有耀克勝凡流撞樓而甲第豐茸跨竈而  
高門煥赫五福俱備三壽作朋蒙垂藻鑑之  
勤願露葵傾之切上德不德推誠恪冀於詢  
堯知恩報恩勵志敢忘於結草其或孤辰寡  
宿六害三刑多守照於妻官未移臨於妾位  
尚祈洪造曲降玄恩俾弄璋無嫡庶之分則

倚玉有宗祊之望是爲真禱匪曰私談臣不  
勝虔禱之至

終獻

具位某謹焚香上啓

聖位伏聞情見乎辭愧千言而莫罄儀不及

物幸三獻以云周以今銀漢西傾玉杓東轉  
鸞旌杳藹將返景於霄衢龍葆歲行旅班  
於輦路臣等無從控挽惟劇依瞻不勝依戀  
望恩之至謹稽首再拜奉送

回輦頌



焚燎



靈寶領教濟度金書卷之三百三十九

育二

十



八十五

